

鄉

試

錄

乾

隆

三

十

九

年

甲

午

科

聖

福建鄉試錄序

乾隆三十有九年甲午直省鄉試屆期夏五月

禮部以福建考官請有

旨命臣湯先甲為正考官臣王元莢為副考官往典

試事伏念臣先甲江左寒微玷塵詞館入侍

內廷自丙子科至今疊蒙

恩命五典鄉試極儒臣未有之

榮遇宜

旨之日感切悚惶爰偕臣元莢星馳抵境時監臨則

巡撫臣余文儀提調署布政使臣廣德延建邵

道臣沈鳴臯監試署按察使臣陳淮署糧驛道

臣方體泰內簾監試同知臣張映台整飭紀綱

內外共恪乃進學政臣汪新臺灣道臣碩善所錄士七千四百餘人鎖闈三試臣先甲同臣元莢率同考官知縣臣程峻等公同校閱得士如額擇其文尤雅者恭呈

御覽臣例得颺言簡端竊惟

國家三場試士監前代而精之立法至爲詳善而又慎選儒臣

親臨校試屆期錄用膺茲選者孰不洗心濯慮矢公矢慎仰體

聖天子譽髦多士之盛心多士亦莫不鼓舞濯磨咸思自獻其長而無敢負緣徼倖以負明揚

盛典况閩省人材淵藪史策著聞自宋臣朱子倡學

東南一時如蔡元定黃幹陳淳名儒輩出他若李綱以忠節著鄭樵以博洽稱先後相望諸生稟承文獻涵濡

聖澤宜有潛心力學明體達用之人翊

昌明之運足供器使者臣與元莢督同考官三場並較虛公商榷悉本

聖訓清真雅正之旨爲宗凡閱二十餘日而竣事臣非敢自信爲無失尺寸惟是恪慎和衷共襄茲役此臣區區之心所以自矢而亦藉手以報

鴻恩於萬一者也惟時官斯土者鎮守福州等處將

軍兼管閩海關事務臣薛哈岱

太子少保兵部尚書兼都察院右都御史總督福

建浙江等處地方軍務兼理糧餉鹽課世襲一等輕車都尉臣鐘音

乾清門行走提督福建水師等處地方總兵官一等海澄公臣黃仕簡提督福建陸路等處地方總兵官臣甘國寶鎮守福州等處左翼副都統革職留任臣偉善鎮守福州等處右翼副都統世管佐領臣眉綬鎮守福建海壇等處總兵官臣林中岳鎮守福建金門等處總兵官臣藍元枚鎮守福建漳州等處總兵官臣李國梁署理福建建寧等處總兵官福州城守副將臣招那蘇圖鎮守福建汀州等處總兵官臣佟國英鎮守閩粵南澳等處總兵官臣林國彩鎮守福建

福寧等處總兵官臣官德滋鎮守福建臺灣等處總兵官臣顏鳴臯福建分巡興泉永等處兵備道兼管水利事務臣張棟福建分巡汀漳龍等處兵備道臣蔣允焄署福州城守副將撫標中軍參將臣胡璉例得備書翰林院編修尚書房行走加一級臣湯先甲謹序

乾隆三十九年甲午科福建鄉試

監臨官

兵部侍郎兼都察院右副都御史巡撫福建等處地方提督軍務

余文儀

浙江諸暨縣人
丁巳進士

提調官

署理福建等處承宣布政使司事按察使司按察使

廣德

滿洲正紅旗人
監生

福建分巡延建邵道

沈鳴皋

江蘇元和縣人
監生

監試官

署福建按察使司事鹽法道

陳淮

河南商邱縣人
拔貢

署福建糧驛道事福州府知府

方體泰

正白旗包衣人
監生

內簾監試官

漳州府南勝同知

張映台

山東海豐縣人
甲戌進士

考試官

翰林院編修 尚書房行走加一級 湯先甲 江蘇宜興縣人 辛未進士

吏部文選司主事 王元葵 山東諸城縣人 丙戌進士

同考試官

福州府閩清縣知縣 程峻 安徽六安州人 壬申舉人

漳州府平和縣知縣 陸惇宗 江蘇婁縣人 丙子舉人

漳州府長泰縣知縣 郭璣 山西臨晉縣人 辛巳進士

漳州府詔安縣知縣 楊慰 山東蘭山縣人 癸未進士

延平府尤溪縣知縣 焦長發 直隸曲陽縣人 壬辰進士

建寧府崇安縣知縣 王埏 直隸天津縣人 壬申舉人

建寧府政和縣知縣 曹承祖 江西新建縣人 戊午舉人

汀州府歸化縣知縣 郁正 江蘇婁縣人 癸酉舉人

汀州府武平縣知縣 李玉藻 直隸天津縣人 丙子舉人

福寧府福安縣知縣 陳良翼 湖北蘄州人 癸未進士

福寧府福鼎縣知縣 王應鯨 直隸任邱縣人 丙辰舉人

永春州德化縣知縣 朱國垣 雲南永善縣人 庚午舉人

內簾收掌官

永春州同 朱應聘 山西平定州人 辛酉舉人

印卷官

福建布政使司照磨所照磨 耿允謙 山西絳州人 供事

福建按察使司照磨所照磨 王兆熊 順天宛平縣人 吏員

外收掌官

署延平府上洋口通判 萬年衡 湖北黃岡縣人 壬午舉人

受卷官

福州府羅源縣知縣 劉逢甲 奉天蓋平縣人 丁卯舉人

福州府古田縣知縣 萬友正 雲南阿迷州人 壬申舉人

邵武府建寧縣知縣 段克昌 山東棲霞縣人 甲子舉人

汀州府連城縣知縣 張家駒 雲南寧州人 丁卯舉人

彌封官

興化府仙遊縣知縣 胡學暄 江西南城縣人 辛酉舉人

龍巖州溪口州同 楊廷釗 廣東龍川縣人 甲子舉人

膳錄官

泉州府南安縣羅溪縣丞 吳體乾 浙江石門縣人 丙子舉人

延平府順昌縣仁壽縣丞 陳聖傳 廣西平樂縣人 庚午舉人

福州府福清縣江陰鹽場大使 張元愷 正白旗漢軍人 戊子舉人

對讀官

福州府福清縣知縣 張秉謙 陝西綏德州人 己卯舉人

西河鹽大使 賀錫躬 山西定襄縣人 辛酉舉人

候補鹽務大使 潘文苞 貴州貴筑縣人 庚午舉人

掌號舍小印官

候補鹽務大使 陳渤 雲南趙州人 丁卯舉人

內場東西稽查彈壓官

福州城守左軍都司 宋世爵 福建海澄縣人 行伍

撫標左營守備 夏承熙 浙江富陽縣人 癸酉武舉

內場東西巡緝官

福州府閩縣閩安巡檢司巡檢 瞿濟 江蘇常熟縣人 增生

興化府仙遊縣興泰巡檢司巡檢 高泰華 山東莘縣人 監生

建寧府崇安縣星村縣丞 郭愈厚 山西夏縣人 貢生

建寧府政和縣赤巖巡檢司巡檢 吳士昂 安徽歙縣人 監生

汀州府寧化縣石牛巡檢司巡檢 周應尾 江西金谿縣人 供事

汀州府永定縣太平巡檢司巡檢 史紀年 江蘇丹徒縣人 供事

福寧府寧德縣石堂巡檢司巡檢 楊國均 江蘇武進縣人 供事

永春州大田縣花橋巡檢司巡檢 李浩 浙江仁和縣人 供事

把守各所門官

漳州府詔安縣漳潮巡檢司巡檢 潘大炳 浙江錢塘縣人 監生

延平府沙縣北鄉巡檢司巡檢 鍾克振 順天通州人 吏員

建寧府浦城縣溪源巡檢司巡檢 高榮貴 四川成都縣人 監生

建寧府松溪縣二十四都巡檢司巡檢 王翼燕 江蘇揚湖縣人 監生

內場四角樓瞭望官

建寧府浦城縣廟灣巡檢司巡檢 陳良衡 廣東平遠縣人 監生

福寧府壽寧縣漁溪巡檢司巡檢 盧銘義 鑲黃旗漢軍人 監生

督標中營左哨頭司外委千總 林國得 福建閩縣人 行伍

督標中營右哨外委 羅志剛 福建閩縣人 行伍

督標左營左哨外委千總 吳必捷 福建閩縣人 行伍

督標右營左哨頭司外委 張國清 福建閩縣人 行伍

把守內簾門官

福州府閩縣五虎巡檢司巡檢 何穀 廣東興寧縣人 監生

撫標右營右哨外委千總 蔡得 福建閩縣人 行伍

把守二門官

延平府將樂縣萬安寨巡檢司巡檢 周應超 浙江山陰縣人 監生

福州城守左軍右哨頭司把總 陳國選 福建晉江縣人 行伍

把守頭門官

汀州府長汀縣古城寨巡檢司巡檢 王政 順天宛平縣人 供事

福州城守右軍右哨千總 金潮 福建閩縣人 行伍

頭門外東西兩路點名官

福建布政使司照磨所照磨 耿允謙 山西絳州人 供事

福建按察使司照磨所照磨 王兆熊 順天宛平縣人 吏員

署福州府閩縣知縣 張潤 直隸安州人 已舉人

署福州府候官縣知縣 潘鳴謙 四川涪州人 癸酉舉人

頭門內東西兩路點名官

署福州府知府漳州府石碼通判 李倏 山東聊城縣人 辛未進士

興化府知府 郭世勳 正紅旗漢軍人 繙譯生員

搜檢官

泉州府晉江縣雒陽巡檢司巡檢 程鏜 順天宛平縣人 吏員

泉州府晉江縣浦邊巡檢司巡檢 張勤哲 四川遂寧縣人 貢生

漳州府平和縣漳汀巡檢司巡檢 周夢鸞 江西金谿縣人 供事

福寧府福鼎縣瀛城巡檢司巡檢 孫大經 江蘇江寧縣人 供事

督標右營右哨二司把總 周得勝 福建閩縣人 行伍

督標中營右哨二司把總 彭舉 福建閩縣人 行伍

福州城守左軍右哨二司把總 陳鎬 福建閩縣人 漢軍出旗

福州城守右軍左哨頭司把總 張射斗 福建候官縣人 行伍

外場巡綽官

福建布政使司照磨所照磨 耿允謙 山西絳州人 供事

福建按察使司照磨所照磨 王兆熊 順天宛平縣人 吏員

督標中營外委把總 丁得秋 福建閩縣人 行伍

督標右營候補把總 王瑤 福建長汀縣人 行伍

外場總巡官

署福州城守副將撫標中軍參將 山東齊東縣人 胡瑗 丙辰武進士

住宿貢院門外巡邏稽查官

撫標中軍參將 山東齊東縣人 胡瑗 丙辰武進士

內供給官

興化府糧捕通判 江蘇泰州人 高與可 貢生

福州府福清縣江口巡檢司巡檢 浙江山陰縣人 張完 吏員

福州府連江縣東岱巡檢司巡檢 順天大興縣人 茹鳳鳴 供事

外供給官

福州府海防同知 山西永濟縣人 崔繹 乙卯舉人

福州府永福縣際門巡檢司巡檢 湖南桂東縣人 李雱 監生

興化府莆田縣迎仙巡檢司巡檢 廣東興寧縣人 謝家棟 貢生

第壹場

四書

君子欲訥於言而敏於行

振河海而不洩

富貴不能淫貧賤不能移威武不能屈此之謂

大丈夫

論

見其大則心泰

第貳場

易

唯君子為能通天下之志

民說无疆

德言盛禮言恭
井以辨義

書

惟時惟幾
六府孔修庶土交正
有猷有為有守
則知小人之依

詩

靈雨既零命彼信人星言夙駕說于桑田
蕭蕭馬鳴悠悠旆旌
柔亦不茹剛亦不吐
豐年多黍多稌

春秋

邾人鄭人伐宋 隱公五年
六月雨 僖公三年
公如晉 成公十有八年
秋郊子來朝 昭公十有七年

禮記

禮不妄說人不辭費
趨民收斂
水無當於五色五色弗得不章
天有四時春秋冬夏風雨霜露無非教也

詩

賦得雲開雁路長 得晴字五言八韻

第叁場

策五道

問經籍莫備於

本朝我

皇上稽古右文度越千古圖書集成一部儲之秘閣
頒賜臣工近又開四庫全書館廣集儒臣爲之輯錄
特諭中外蒐訪遺書以供纂擇所以嘉惠儒林意至
厚也士生斯時宜何如優游涵濡以仰承

聖天子作人之化歟自漢武帝表章六經開獻書之
路成帝令謁者陳農求遺書於天下其時奉詔
分校者孰優劉歆總羣書而奏其七畧能臚舉
其條目歟東漢尤重經籍蘭臺石室之藏彌以

充積典校秘書者何人隋唐而後時有收集典
冊之富更倍於前獻書者卽加褒賞或命以官
儲之有庫掌之有人其法孰善可參酌行之歟
夫六經之道久而愈明其餘作者或離或合然
其精深闔博各有所長學者不能忘也而凋零
磨滅不可勝數豈其華文少實不足以行遠歟
抑其存者亦有幸不幸歟聞中文教之邦必有
勤學好古之士蔚爲

國華者其各舉所聞首列於篇

問周禮有大史小史御史內外史之官分掌史
事其職任何如能分別言之歟述史之體有二
曰編年曰紀傳所從來遠矣昉自何書劉知幾

作史通又謂流別有六何也馬班以後諸史皆成於一家之學出於一人之手至晉隋二書史集衆長而用之或授以志或授以紀傳當時分撰者能舉其人否也資治通鑑司馬氏自謂平生精力盡於此書許自辟官屬以書局自隨所分任者何人正史而外所採錄者幾家朱子通鑑綱目其權度精切筆削謹嚴先儒論之詳矣尹起莘之發明劉友益之書法果有得於朱子之意歟他若考異集覽考證質實諸書可臚舉其姓氏歟我

皇上欽定通鑑輯覽又

御製評鑑闡要一書卓識大文發千古未發之蘊諸

生沐浴

聖教學古有年其各據所見以對

問道學在宋濂洛關閩並稱而閩以後出最盛程子得楊龜山而曰吾道南矣傳至羅豫章及李延平而朱子師之朱子之學始集四子之大成者歟崇安劉子翬亦朱子所從受學也朱子問入道次第而以易之不遠復為三字符其義可詳繹歟遊朱子之門者黃勉齋蔡西山父子其最著也此外若張洽陳淳支分派衍為閩中延道學之脉者可得而詳歟夫儒林與道學非可岐而為二也鄭夾漈之博物洽聞貫穿百氏尚已陳祥道兄弟所著禮書樂書果能考摭精

核而貫穿明備歟其他有著述成一家言者能
悉數其人臚舉其目否也諸生生長名區桑梓
之觀型必切其有熟於道學之淵源者自明以
前悉著於篇用覘所尚焉

問州牧之名肇於虞書縣正之名見於周禮不
待秦置郡縣始有其名也虞州牧周縣正與後
世之守令同歟否歟春秋傳云上大夫受縣下
大夫受郡則縣大而郡小戰國甘茂謂秦武王
曰宜陽大縣名曰縣其實郡也則郡大而縣小
矣所以不同者何故漢時郡守更名太守隋大
業中改州為郡唐以後或為州或為郡刺史太
守更相為名其職任果有異歟開元中定天下

州府有赤畿望緊上中下七等之差以何者為
分別能條列言之歟夫守令親民之官所係為
重故史家有循吏傳班史所載者六人范史所
載者十二人新唐書十五人孰為最著宋之蔡
君謨真西山游定夫皆以閩人治閩者也其治
績可詳舉歟我

皇上愛養黎元於守令尤重諸生學古入官將有經

世之責其詳言之毋隱

問詩自蘇李以後班蔡曹王陳阮以及顏謝何
范徐庾之倫選家並舉其風會所趨淵源所自
可得而備數歟唐陳子昂變晉宋而復漢魏詩
法中興而沈宋之體別出迄於李杜韓柳遂為

極盛朱子謂四家初亦學選詩而杜韓變多李
柳變少其體性風力可析言之歟至謂少陵夔
州以後詩不可學抑又何也宋世作者如林其
各得杜之一體者幾家江右詩人孰為巨擘元
則虞楊范揭並稱優劣何若前明論詩之派有
三日濟南日竟陵日公安其得失可詳究與聞
中高之禮之品彙曹學佺之石倉果能甄綜悉
當否也我

皇上金聲玉振集千古之大成自初集至三集已刊
刻

頒布昭如日星諸生涵泳

聖涯久矣當有留心於聲律之學者其親切言之

中式舉人八十五名

第一名張 舫

侯官縣學附學生

春秋

第二名徐志鑾

建寧府學生

易

第三名羅肇圖

沙縣學附學生

詩

第四名鄧思淵

邵武府學生

書

第五名張夢龍

福州府學附學生

禮記

第六名張君賓

晉江縣副榜貢生

詩

第七名李寶劍

晉江縣學附學生

易

第八名李夢白

光澤縣學增廣生

詩

第九名許元魁

漳州府歲貢生

易

第十名鄭玉振

龍溪縣學附學生

書

第十一名林上魁 長樂縣學生 詩

第十二名楊金華 福州府拔貢生 詩

第十三名薛先幾 海澄縣學增廣生 易

第十四名江南金 邵武縣學增廣生 春秋

第十五名朱 瑩 南平縣歲貢生 易

第十六名姜 梧 沙縣學生 春秋

第十七名林夢椿 詔安縣學生 易

第十八名鄭 易 永定縣學附學生 易

第十九名魏 瑛 候官縣學生 禮記

第二十名龔純祺 晉江縣學附學生 詩

第二十一名邱人麒 永春州學增廣生 易

第二十二名黃秉元 漳州府學生 春秋官字號

第二十三名黃宗祝 光澤縣學增廣生 易

第二十四名邱人龍 永春州拔貢生 易

第二十五名鄭元芳 莆田縣學附學生 書

第二十六名陳開運 福州府學生 易

第二十七名施國柱 南平縣歲貢生 春秋

第二十八名陳筆鋒 長樂縣學生 詩

第二十九名李 度 南安縣學附學生 詩

第三十名黃廷梈 寧德縣學生 詩

第三十一名王廷瑜 泉州府歲貢生 易

第三十二名袁 華 漳州府學生 書

第三十三名盧巨琳 永定縣學增廣生 易

第三十四名嚴世瑛 尤溪縣學生 詩

第三十五名林邦寧 候官縣學增廣生 詩

第三十六名王占鼇 泉州府學附學生 易

第三十七名羅 埤 邵武府學生 易

第三十八名何西泰 候官縣監生 書

第三十九名林蔚然 閩縣學附學生 書

第四十名陳應龍 莆田縣學生 書

第四十一名王家奮 福州府學生 詩

第四十二名陳有會 閩縣學生 禮記

第四十三名郭 榕 古田縣學附學生 春秋

第四十四名溫 恭 汀州府學生 詩

第四十五名項世霖 安溪縣學訓導 詩

第四十六名林景來 興化府學生 書

第四十七名石禮和 龍溪縣副榜貢生 易

第四十八名陳作霖 臺灣縣學生 詩

第四十九名粘克昇 泉州府學生 書

第五十名林梅羹 永春州學附學生 詩

第五十一名蕭天鳳 龍溪縣學附學生 詩

第五十二名賴文豹 永定縣學生 易

第五十三名李德樹 閩縣學增廣生 書

第五十四名黃人瑞 泉州府副榜貢生 書

第五十五名陳日憲 連江縣學生 易

第五十六名黃元裳 連江縣學附學生 詩

第五十七名吳 濱 邵武府學生 詩

第五十八名王世卿 晉江縣學附學生 易

第五九名白新第 安溪縣學附學生 易

第六十名郭廷機 諸羅縣學附學生 詩

第六十一名邱中 南平縣學附學生 春秋

第六十二名陳兆蓮 長樂縣學 生 詩

第六十三名林上春 閩縣學 生 詩

第六十四名馬位承 汀州府學附學生 禮記

第六十五名林英 閩縣學附學生 易

第六十六名林煥 龍溪縣學 生 書

第六十七名陳霞蔚 福州府學附學生 禮記

第六十八名巫光採 長汀縣學附學生 詩

第六十九名王錫貂 永定縣學附學生 詩

第七十名楊琚 將樂縣學附學生 書

第七十一名陳承烈 連江縣學 生 易

第七十二名郭省三 同安縣學 生 易

第七十三名林清 安溪縣學附學生 易

第七十四名許國樑 南平縣學 生 詩

第七十五名鄭文震 閩縣學 生 書

第七十六名陳登龍 閩縣學附學生 詩

第七十七名何光宗 惠安縣歲貢生 書

第七十八名何澤杞 光澤縣副榜貢生 詩

第七十九名李樹川 莆田縣學 生 詩

第八十名謝庭芳 長樂縣歲貢生 詩

第八十一名鄧青雲 上杭縣學附學生 書

第八十二名陳珩 浦城縣學 生 禮記

第八十三名李日煜 晉江縣學附學生 詩
第八十四名范汝欽 大田縣學生 詩
第八十五名張海門 福州府學附學生 詩

中式副榜十七名

第一名翁一桂 侯官縣學附學生 易
第二名林文乾 福州府學附學生 書
第三名邱洪 邵武縣學附學生 詩
第四名梁景岐 長汀縣學附學生 易
第五名李旭 侯官縣監生 春秋
第六名鄧思渺 光澤縣學生 書
第七名陳楨 古田縣學附學生 詩
第八名高國華 長樂縣恩貢生 禮記
第九名林任 霞浦縣學附學生 禮記
第十名龔裕權 邵武府學生 書

第十一名張榮琬 未定縣學附學生 易

第十二名林春英 浦城縣副榜貢生 易

第十三名陳揚 連城縣學附學生 書

第十四名洪鼎彝 泉州府學附學生 書

第十五名胡為高 未定縣學附學生 易

第十六名林大鵬 仙遊縣歲貢生 詩

第十七名黃榜魁 建陽縣學生 詩

第壹場

四書

君子欲訥於言而敏於行

張舫

同考試官平和縣知縣陸惇宗閱薦

考試官吏部文選司主事王元英批

純和有度華雅不佻

考試官翰林院編修尚書房行走加一級湯先甲批

高潔名貴盛世晉

聖人於君子而得其言行之精神焉夫猶是言也而何以獨訥猶是行也而何以獨敏此足以思君子矣且人何以於言嘗有餘於行嘗不足哉其有餘也非有所迫也我自欲有餘已矣其不足也非有所阻也我自欲不足已矣吾於是轉思君子矣君子有君子之性情時而見於言焉時

而見於行焉則所以涵養其性情者至也君子有君子之學問或於言而得其心焉或於行而得其心焉則所以深造其學問者素也故吾不於既言之後觀君子而於未言將言之頃觀君子君子其欲訥於言乎且不獨於未言將言之頃觀君子而更於未行方行之際觀君子君子其欲訥於言而敏於行乎其訥也非窒也誠意正心知此事非關口說矣我以口說自多其於聖賢之學庸有冀乎即不得已而有言奈何以輕心出耶其敏也非躁也子臣弟友知此事無可姑待矣我以姑待自安其於性分之事庸有當乎是不容已而有行奈何以怠心試耶凡人鈍拙之才皆可以敗謀獨形之於言尤足以蓄德凡人一往之氣非所以輔志獨見之於行尤足以立誠夫君子亦惟自率其

性情已矣言即有物而訥之心如故行即有恒而敏之意如初君子乎令人想見性情也君子亦惟自修其學問已矣言足世法而訥之念彌真行足世則而敏之意彌奮君子乎令人想見學問也君子不可及矣
振河海而不洩

張舫

同考試官平和縣知縣陸惇宗閱薦

考試官吏部才選司主事王元炎批

考試官翰林院編修尚書房行走加一級湯先甲批

精深肅括高摠羣言

人淡於菊香若蘭

觀地之所振而不測一又見矣夫以河海之深且大也而地能振之而不洩焉其一不測為何如乎嘗讀易曰在天成象在地成形雖然地之成形亦甚不測矣有極其形之高者

曰華嶽卽有極其形之深者曰河曰海夫河起於西北吾亦烏知其所至然大抵皆透迤於地之中也透迤於地之中則爲振已矣海盛於東南吾亦烏知其所底然大抵皆歸宿於地之內也歸宿於地之內則爲振已矣雖然振之矣保無有虞其敝者乎而地之爲物誠一不貳又何敝保無有慮其變者乎而地之爲物不息則久又何變蓋振河海而不洩焉洋洋乎何源之遠哉衆流對之而俱失其深也而要不出地之範圍地不敝故所振者亦不敝也決決乎何流之長哉萬派宗之而莫擬其大也而要皆受地之約束地不變故所振者亦不變也夫地固極廣厚矣無涯也而亦無間而洩之端何從而生至虛也又復至實而洩之機何從而伏今日者九河旣道初不聞有潰決之虞雖王者之疏濬使然抑亦地之求貞有以使之然乎四海永清絕不見有震蕩之患雖聖主之耆定使然抑亦地之凝固有以使之然乎甚矣其不測也

富貴不能淫貧賤不能移威武不能屈此之謂大丈夫

張 舫

同考試官平和縣知縣陸惇宗閱薦
考試官吏部文選司主事王元荻批

詞簡意該理醇法密

考試官翰林院編修 尚書房行走加一級湯先甲批

時文法律古文性情

大丈夫自有真超乎常情之外也夫富貴貧賤威武亦遇之常耳然必不淫不移不屈而後謂之大丈夫豈易言哉且夫人所命爲大丈夫者以吾生自有至足之分而人世

之境遇不得而與之也入乎理之中自超乎欲之外古人
有其名而副其實未聞無其實而妄竊其名也如仁禮義
各足乎已而歷之窮達不異如此此豈可以常情測哉今
夫富貴者士所時有也而貧賤亦遇之常貧賤者士固安
之若素也而威武尤勢之逼大丈夫處此當何如哉大丈
夫未嘗薄視富貴然富貴自富貴而其心無與不能淫也
亦未嘗驕語貧賤然貧賤自貧賤而所志自如不能移也
至於威武大丈夫尤不能禁其不來然威武自威武而其
節常伸不能屈也嗟乎夫人亦顧其自命何如耳知內之
重而後見外之輕所得既深則所累自寡士之貪富貴厭
貧賤而懾於威武者皆妾婦順從之謂也丈夫固有愧况
大丈夫哉吾之所謂大丈夫者可以處樂可以處約可以

履險而如夷可以臨難而不懼夫果何所持而能哉非仁
弗居也非禮弗由也非義弗行也是為大人而已矣此足
以當矣

論

見其大則心泰

張君賓

同考試官尤溪縣知縣焦長發閱薦

考試官吏部文選司主事王元葵批

理明詞達

考試官翰林院編修尚書房行走加一級湯先甲批

洞徹源流

且夫狹隘險阻之象本不存於人心而內念不恢則童觀
之吝所見安能及遠而沾沾於目前之謀徑寸間無在非
狹隘險阻之象矣此長戚戚之小人所以異於坦蕩蕩之

君子也周子有云見其大則心泰請申論之夫心則何不
泰之有良之三日列其夤厲熏心不泰之謂也成之四日
憧憧往來朋從爾思不泰之謂也惟其以私蔽明而所見
常囿於小故道岸遙隔而畔援欣羨之情生怨天尤人之
念起自失其至泰者而非其心之本不能泰也且夫天下
至大者莫過人心人心者太極之所蘊也自日用飲食之
恒推而至於天地之大萬物之衆凡二五之所網縕何一
不具於人心惟心公則能見其大而亦惟見其大則心泰
相因之理然也昔者顏子從克復歸仁之後已私明淨天
理周流其所見者以藐然中處之躬乾父而坤母凡成形
成象類聚羣分皆非吾心外之物也夫是以其心常澹以
清寧以靜廓然而大公俯焉仰焉逢其故也朝焉夕焉順

其常也所謂不改其樂者其精蘊已寓於此矣然則欲尋
顏子之樂不於其心泰得之也哉雖然欲如顏子之心泰
當見顏子之所見欲見顏子之所見當學顏子之所學實
能於貌言視聽交致其功至於一私不存則顏子所見即
於吾心見之而吾之心亦即顏子之心矣夫何不泰之有
第貳場

易

唯君子爲能通天下之志

徐志鑾

同考試官詔安縣知縣楊 慰閱薦

考試官吏部文選司主事王元葵批

考試官翰林院編修 尚書房行走加一級湯先甲批

理致清晰
簡切不浮

通天下於一正同人所以利貞也夫天下之志亦難通矣
唯君子爲能以正通之貞之利也何如哉且人心之不同
如其回焉而必欲強不同者而使之同此豈人之所能哉
然而不同者其心而大同者其理理之所以同者惟其正
而已矣彼同人之卦德文明以健卦體中正而應旣皆爲
君子之正矣夫正者一人之所以爲志卽天下人之所以
爲志而可以交通於無間者如其非正則志宜於公而
或以私隔之將彼與此有畛域之界而弗能通矣如其非
正則志宜於大而或以小拘之將人與已有爾我之殊而
弗能通矣能通天下之志者其唯君子乎君子以其至正
者絕衆私之緣而隱微幽獨之地可以証之清廟明堂而
不忤君子以其至正者化偏小之見而蒼生億兆之廣可
以舍之虛靈徑寸而有餘在賢者固曉然於君子之所志
無他而感激以從其教而不肖者亦各出天性以相孚在
智者固恍然於君子之所志可尚而說服以慕其風而愚
者亦莫不輸誠以相感然要非天下之志之欲通於君子
實惟君子爲能有以通之也理握其要而舍生賦性之儔
其趨向莫之能遁義得其精而別聲被色之輩其嗜好莫
之能殊則君子所以通天下之志者惟以正爲之本而已
同人之利貞也不信然哉
井以辨義

邱人麒

同考試官福安縣知縣陳良翼閱薦
考試官吏部文選司主事王元葵批
立論雅馴

辨義以井安而能慮也夫義至難辨也以井辨之不已安而能慮哉且天下之物莫不各有義之所存其於物而莫窮底蘊者皆其浮動之情中之也惟中藏無紛擾之念斯舉事有明辨之功而凡參差錯出之交舉莫能逃其藻鑑君子蓋觀於井而得其用矣千變萬化之途衆人處之而昧然者君子獨坐照而有餘心止於符故義擇其精也紛至沓來之候庸衆當之而茫然者聖賢獨內燭焉而不遺心安於靜故義悉其詳也蓋井之德因居其所而能遷者也不可法之以辨義乎義爲萬事之宰大而君臣父子小而升降揖讓有一事卽有一義而有時恂恍無憑者神不定則事易淆也而井則以得其所安者從吾心清本原而

鑑空衡平斯其辨義也爲已精義爲萬物之主精之而議禮制度淺之而方名象數有一物卽有一義而有時蒙蔽未明者氣不靜則物易奪也而井則以得其所安者從吾心懲躁妄而心存理得斯其辨義也爲已詳是故極乎義所周則爲天下之至曠極乎義之用則爲天下之至動而舉天下之至曠至動者悉出以知幾之明藉非安而能慮曷以剖至理於無窮哉處乎物則之宜則義有其常處乎事理之窮則義有其變而舉天下之至常至變者悉見其睿照如神藉非安而能慮曷以判名義於當幾哉此其所以爲井德之用與

書

惟時惟幾

鄭玉振

同考試官崇安縣知縣王 埏閣薦

考試官吏部文選司主事王元葵批

謹飭安詳

考試官翰林院編修 尚書房行走加一級湯先甲批

詞無支蔓

時與幾而皆勅不敢懈乎天命也夫使時與幾不能交致其力則天之命有未勅者矣此所以當加意於時幾也且夫人乾惕之懷亦何日何事而可生其懈哉是故黽勉勤乎斯須必使無瞬息之曠而就將凜於夙夜尤必期綱紀之張夫而後赫赫者之鑒臨不致以玩忽而貽譏也勅天之命將如何而勅之哉天子我以命則無日而不見天之命無日而不見斯無日而不凜矣可曰為時無幾即不妨玩愒以將人承天之命亦無事而不存天之命無事而不

存斯無事而堪忽矣寧曰所為甚煩而安能詳悉以盡是必惟時惟幾以勅之而後可時者自始至終無一息之敢懈者也溯於穆之原其為人所當警惕者何限使始焉而勅有以開而終焉而勅不為繼則進銳退速而時有間矣惟一日二日寤寐之神常深而曰旦曰明胸懷之惕無已則所以承於穆之原者至矣幾者自大至小無一事之可寬者也思帝載之真其為人所當黽皇者原多使大焉而勅為甚詳而小焉而勅或有略則或作或輟而幾有缺矣惟博綜兼該兢兢達於平旦而大綱細目凜凜迫以神明則所以體帝載之真者深矣乃知時自勅其時幾自勅其幾兩者既以各盡而咸宜而時勅而幾自無間幾勅而時亦罔寬兩者又以交致而不息人可不敬天之命哉

則知小人之依

黃宗祝

同考試官歸化縣知縣郁正閱薦

考試官吏部文選司主事王元葵批

考試官翰林院編修尚書房行走加一級湯先甲批

有質有文

民依有由知惟先知稼穡之艱難者然也夫民依衣食之原也知之則必有以處之矣是可以觀無逸之君子今夫人士端拱深宮而斯人疾痛之情形無一不與宵旰之寤寐相通焉者也要惟悉心民瘼者有以周知其情則所以思艱而圖易者其必有道矣先知稼穡之艱難乃逸則其於民生緩急之圖豈漠不加意於其間哉小人衣食之私豈敢上煩惕厲憂勤之慮然而心固已通之也故九重宴

處如聞咨寒怨暑之聲小民瑣屑之私豈敢上勞聖主勿之神然而志固已達之也故敦勸農桑總無非求莫求寧之意是則小人之依固甚望其有知之者雖然知之亦未易言矣知則必有以深燭其隱編氓之願欲多賒但使日用飲食偶違其箕畢之好而卽不勝其嘆息故體恤宜周也所謂知者蓋舉小人身家之計無日不關黼座之精神斯有以畢洽其隱已知則必有以周悉其情小人之願欲易足但使仰事俯育有以遂其朝夕之謀而卽不勝其鼓舞故拊循甚易也所謂知者蓋舉野人口腹之計無事不厯聖主之心思斯有以畢達其情已况乎知之明則處之也必當窮黎顛連之狀特患其壅於上聞耳而苟舉念而如覩痾瘼之形則所以盡鞠謀之職者又何所不至也

哉知之深則謀之也必詳草野困苦之情慮其隔於堂陛耳而苟動念而悉厯饑寒之慮則所以致生生之庸者又何所不周哉而要非知稼穡之艱者曷足以語此耶

詩

蕭蕭馬鳴悠悠旆旌

張君賓

同考試官尤溪縣知縣焦長發閱薦

考試官吏部文選司主事王元葵批

意度安雅

考試官翰林院編修尚書房行走加一級湯先甲批

工於藻繪

味田事之終見由動而靜之氣象焉蓋田事既畢則馬閑而旆旌亦靜矣味之以蕭蕭悠悠不益見整暇之氣象乎詩之美宣王者以為吾王中興之始以威武定天下所謂

出車彭彭旂旐央央者王靈之赫何如乎乃四方既平會群侯而脩田事至於功之既畢而精神肅穆猶見於車馬旌旂間令人低徊不置也蓋其時會同之諸侯躬射御以助王獵其馬之齊足與夫旌旂之蔽空有不必詳者矣而吾正樂於田事方終之餘按其好整以暇之象則見夫蕭蕭者馬鳴也馳驅有所不事而氣得以自舒悠悠者旆旌也飛揚轉而安靜而神亦有其可繪使肅殺之或過則雖三驅既用而銳氣難收將有馬逸不止之患而或勵於始而怠於終惟馬亦呈其喘息不寧之態矣此蕭蕭者何其閑以蕭也使跋扈之難除則雖振旅而入而其風太競猶然胡不旆旆之神而或勇於初而懈於後即旆旌亦傳夫轍亂旗靡之容矣此悠悠者何其靜且安也有天子之馬

有諸侯之馬有王者之旆旌有射夫之旆旌而總之以蕭蕭悠悠蓋并其時之一心力以從王事或作或止無敢後先為動為靜無敢異同者而悉見之矣中興之氣象不於車馬旌旗間令人低徊不置也乎

柔亦不茹剛亦不吐

李夢白

同考試官武平縣知縣李玉藻閱薦

考試官吏部文選司主事王元葵批

言簡而該

考試官翰林院編修尚書房行走加一級湯先甲批

詞無枝葉

善待柔與剛無人之見者存也夫柔與剛未有能不茹不吐者仲山甫如是豈復有人之見者存乎今夫柔克剛克聖賢之所以自治也故剛勝利用柔柔勝利用剛從未聞

柔以治柔剛以治剛者獨至於待人則有異何不觀仲山甫乎萬類之紛紜也智者凡幾愚者凡幾物情雖不同要皆可以柔與剛概之人意之參差也憎者凡幾愛者凡幾相待雖異致要皆可以茹與吐統之其此性命之屬而彼獨為柔自仲山甫視之寧遂非柔也者而不啻欲吐之何耶同此血氣之倫而彼獨為剛自仲山甫遇之寧遂非剛也者而不啻欲茹之何耶吾見有不茹者矣彼其不茹也

不敢茹也敢茹則竟茹矣柔豈不敢茹者而仲山甫不忍為此也柔者亦可謂有幸吾見有不吐者矣彼其不吐也非當不吐也當吐必又不吐矣剛誠不當吐者而仲山甫獨難縱此也剛者亦何恃不恐進不能與我角是非退不能與我較曲直以為柔豈不柔甚天下之至易茹者此其

人也而無敢吞噬之意極之斯人而亦有然從此可以徵其仁理曲而護之益以力行僭而持之益以堅以為剛豈不剛甚天下之共思吐者此其人也而無或枉撓之情極之斯人而亦如是從此可以徵其義柔則鰥寡之類是也剛則強禦之類是也使仲山甫而猶有人之見者存何以為仲山甫耶

春秋

六月雨 僖公三年

張 舫

同考試官平和縣知縣陸惇宗閱薦

考試官吏部文選司主事王元葵批

言簡意該

考試官翰林院編修尚書房行走加一級湯先甲批

不枝不蔓

誌喜雨之文而君道昭矣夫君所以為民而與民同其樂也六月雨之書以誌喜也固宜且天之立君凡以愛民也愛民之道在體民心以為心惟憂民之憂者為能樂民之樂而樂不在一已而在天下此其意於經之書六月雨知之夫雨亦常矣然雨於不望雨之時則為常雨於望雨之時則為非常六月雨亦偶矣然雨於不閔雨之時則為偶雨於閔雨之時則為非偶以為非常則必有翻然勃然之心而民之憂釋矣民憂既釋今而後君喜可知也以為非偶則必有陶然油然之意而民之樂生矣民樂既生今而後君喜可知也君喜何以書誌不忘也使天而雨玉寒者不可以為衣使天而雨珠饑者不可以為食不雨而雨是君憂民之憂而慶其樂也不雨而雨是天憂君之憂而賜

其樂也甚矣天人相感之理微矣君民相關之念切矣夫天災流行何國蔑有所恃者有此遇災知懼之心民隱難周豈能各遂所賴者有此隨時體恤之懷此君國子民之要道也爲人上者顧可忽哉

秋郊子來朝昭公十有七年

張 舫

同考試官平和縣知縣陸惇宗閱薦

考試官吏部文選司主事王元葵批

論古有識

考試官翰林院編修尚書房行走加一級湯先甲批

條理秩然

小國修禮於內而得官制之遺焉夫官制之遺由來久矣向非郊子朝魯其誰傳之耶今夫一名一物皆聖人遺意所在其渺不可知者不知凡幾也故往往文已無徵莫考

命名之何自獻或可據爰稽古制之猶存此好古之士所嘆爲僅事者也昔郊子朝魯亦惟是修禮之常已矣設也禮成而返將斯人生平所學其誰傳之而幸也當時適有官制之問也雖然所問者不過少昊以鳥紀官一事而郊子聞之直自少昊而遯及黃炎共工太皞也且因鳥官而遯及雲龍水火也其博學爲何如哉大抵古人之學博而有要一叩而卽探其源流今人之學虛而鮮實故偶舉而卽失其終始古今人不相及類如斯也然吾獨怪夫子以生知之聖而又多能乃往見郊子而學焉何也蓋天下精微道德之蘊聖人固無所不知而名物象數之繁聖人亦有所不能盡及夫子出而告人則郊子之學豈易得哉

禮記

趨民收斂

鄉訓錄

三

張夢龍

同考試官閩清縣知縣程峻閱薦

考試官吏部文選司主事王元焚批

清通簡要

考試官翰林院編修尚書房行走加一級湯先甲批

詞達理舉

收斂有時民之趨也急矣夫收斂者民之藉也及時而趨之其事顧不急哉嘗思閭閻之作息每視君相為籌謀而草野之勤劬恒因天時為順動蓋民固以食為天而食又以收為藉則當此西成之日其所以赴而圖之者其事誠有不可緩者矣則試觀夫民之收斂勤三時之作苦非不共望其逢年然苟時未至而思收之吾知其躁矣觀黍稷之與與而倉箱有慶編氓原有共勗之經營歷手足之艱

辛非不盡圖其獲刈然苟時既過而收之吾嗟其晚矣緬周原之膺膺而黃茂有時民間自有率作之盛事何也趨民收斂有必然者民有勤惰之分勤者勞而償情者逸而獲而至於收斂則勤惰皆當趨之矣所以滿篝滿車野無不芟之草即民無不獲之田而主伯亞旅悉見奔走偕來也則其收斂也切矣民有工拙之別工者多而得拙者寡而償而至於收斂則工拙總待於趨矣所以如雲如雨田無不耕之士即民無不斂之情而熙來穰往盡覺踴躍爭先也則其收斂也迫矣由是本其所收給其所用躋堂而稱介壽之觴薦廟而馨有苾之祀無非此收斂有以藉之也民亦何得而不勤其事哉由是以其所收公其所取輸將而供天府之征穗結以備大君之用莫非此收斂有以

鄉訓錄

三

知趨民之政有不容緩也

天有四時春秋冬夏風雨霜露無非教也

張夢龍

同考試官閩清縣知縣程峻閱薦

考試官吏部文選司主事王元焚批 氣象光昌

考試官翰林院編修尚書房行走加一級湯先甲批 莊雅不佻

觀天之所運行教之無私見矣蓋四時之風雨霜露天之運行無私也而教不於此而見哉今夫造物之理亦甚微矣而有顯徵其象於衆著之間其功大而化其理溥而該覺行乎不得不然之中雖氣機各異而一本大公也如天之無私於何見之溯大鈞之主宰陶鑄亦覺其無窮故其

境遽遷者其功亦適易統往來以神其用而彌綸有象寓目而皆呈仰造化之生成會育亦歸於無盡故其令相嬗者其化亦相需合彼此以著其功而覆疇無偏隨在皆可見夫天有四時非春秋冬夏乎而運於四時非風雨霜露乎是可以觀天矣動植飛潛各殊其性此必有爲鼓舞者而後其性可遂風雨霜露所以鼓舞之資也極上行之不已而栽培俱出於咸宜則凡托於幘幪中者何非於穆之理所昭著歟天喬靈蠢各異其質此必有爲長養者而後其質可安風雨霜露所以長養之具也任變化之無停而仁育悉徵於盡善則凡處於覆冒內者何非大造之量所分給歟天之爲教不於此見之乎雖風雨霜露亦有消長之分然長者有時而消而消者不難於長也本乾德以相

爲化育自不慮教之有所或遺卽風雨霜露亦有伸屈之別然伸者有時而屈而屈者不難於伸也盡天道以相爲綱維自不患教之有所或爽天之教如此而天之無私不已見哉

詩

賦得雲開雁路長 得晴字五言八韻

張 舫

同考試官平和縣知縣陸惇宗閱薦

考試官吏部文選司主事王元葵批

含英咀華

考試官翰林院編修尚書房行走加級湯先甲批

音律諧暢

極目秋空際 翛然氣象生 幾層雲影動 數陣雁行迎 昔渡關城迥 今遊天路宏 開時寧彷彿 遮

處未分明露白三湘冷風高八月晴冲霄形出
沒入漢勢縱橫翮勁追鵬翅音長和鶴鳴
九重時在望萬里振先聲

第叁場

策

第一問

魏 瑛

同考試官閩清縣知縣程 峻閱薦

考試官吏部文選司主事王元葵批 原委秩然

考試官翰林院編修尚書房行走加級湯先甲批 詳畧有體

遺書之求尚矣漢承秦煨燼之餘書多散亡武帝建藏書之策置寫書之官皆充內府成帝時

遣謁者陳農求遺書於天下其時奉詔分校者
劉向校經傳諸子詩賦任宏校兵書尹咸校術
數柱國校方技而向條其篇目撮其意旨錄而
奏之向尤卓卓者哉向子歆總羣書而奏七畧
今所謂六藝兵書之類是也光武中興崇尚文
雅蘭臺石室彌以充積又於東觀仁壽閣集新
書並依七略爲書部明帝建初中大會諸儒于
白虎觀考詳同異匝月乃罷肅宗稱制臨決如
石渠故事孝和亦數幸東觀靈帝詔正定五經
刊于石碣爲古文篆隸三體書法樹之學門藏
書極盛矣魏武代興更集墳典藏在秘書遣鄭
默校定論者美其朱紫有別迨晉氏承之文籍

彌廣荀勗因魏中經更著新籍分爲甲乙丙丁
四部是也宋武入關收五經子史纔四千卷皆
赤軸青紙文字古拙並歸江右秘書王儉爲七
志謝靈運造四部目錄梁任昉又于文德殿內
列藏衆書華林園中總集經典大凡二萬三千
一百六卷阮孝緒採宋齊以來叅校官簿更爲
七錄元帝遷江陵收文德書及公私典籍七萬
餘卷周師入郢咸自焚之宇文氏平齊獲經史
舊書重雜三萬餘卷文帝開皇中復開獻書之
詔每卷賞絹一疋于是異書間出嘉則殿之書
三十七萬卷唐武德書八萬卷重復相採王世
充平得隋書八千餘卷貞觀中魏徵虞世南顏

師古購天下書藏之內庫以官人掌之明皇列
經史子集四庫元載為相以千錢購一書文宗
時鄭覃請照秘閣搜採宋初三館書萬二千餘
卷太宗實舊書于崇文院正副本凡八萬卷慶
歷間命王堯臣作崇文總目凡三萬餘卷典冊
之富幾倍魏晉叅酌行之其法皆可用也夫自
古讀中秘之書者在漢司馬遷掌天官劉向揚
雄校天祿他如班固傅毅掌蘭臺曹褒劉珍繼
入東觀竇章被薦黃香受詔皆與焉晉宋以下
左思王儉咸讀秘書魏徵虞世南褚遂良顏師
古皆為秘書監明皇命元行冲通選古今書目
以陽城之好學始得讀焉宋藏書太清樓范仲

淹為提舉求書之詔屢下故民間之書得上之
天子明洪武中所收書多南北以來舊本藏之
秘府無人得見天下之士於是不知古併不知
今矣華文少誠實不足以行遠即精深閱博而
可存者凋零磨滅亦有其幸不幸我
皇上作人之化校勘經史諸書又開四庫全書館廣
集儒臣輯錄嘉惠士林行見文治駸駸日隆遠
軼漢唐宋上矣

第二問

江南金

同考試官平和縣知縣陸惇宗閱薦
考試官吏部文選司主事王元葵批
剖析詳明

考試官翰林院編修尚書房行走加一級湯先甲批 有書有筆
古之王者必立史官左史記言右史記動其大
概也至周而有大史小史之目御史內外史之
名其職任所掌載在周禮者甚詳夫史所以論
載得失昭明是非也褒善貶惡不畏疆禦其上
也編次勒成蔚爲不刊其次也高才博學名重
一時又其次也而又有才學識之三長史固難
言哉劉知幾作史通所以謂流別有六也史之
體有二紀傳昉於尚書編年昉於春秋馬班諸
史紀傳體也通鑑綱目編年體也司馬遷繼父
談作史記其時左傳國語未立學官古文尚書
未行於世乃採世本國策以成書自黃帝迄漢

武序帝王以十二紀定歲時以十年表列政事
得失以八書敘公侯將相以三十世家志名卿
賢士等以七十列傳文直事覈班固效之以成
漢書自是以後若陳壽之三國志蔚宗之後漢
書休文宋書子顯齊書百藥北齊書令狐周史
其間互有得失而紀序論贊辭皆出一人之手
與班馬無異也獨晉書舊有何法盛本太宗命
房喬等復細加譔次隋書則魏徵總之而師古
穎達同與厥事或任志或任紀傳二史皆彙衆
人之長而成書云夫六經之用備於史史筆之
原本於經必蓄道德而秉心無私者然後賞罰
予奪足以示法於後世垂戒於將來馬班諸人

不能也其惟司馬溫公之通鑑紫陽朱子之綱目乎溫公奉詔纂輯通鑑許自辟官屬以書局自隨劉放劉恕范祖禹等分任其事其書貫穿一千三百六十二年事跡起於初命晉大夫爲諸侯而下終於五代經十七年而始定後以卷帙繁多復著目錄三十卷晚又病本書太詳目錄太畧復著舉要八十卷其自謂生平精力盡於此書信不誣也可惜者蜀魏之正統僞統未明武后中宗之紀年未定此朱子綱目所以復修而權衡進退直接知我罪我之心傳而如揭日月于中天開萬古之羣蒙也劉友益之書法尹起莘之發明皆足闡明大義至若汪克寬之

考異王幼學之集覽訓釋地理人物徵引故實與考證質實諸編亦皆足爲讀綱目之一助也要而論之作史者難閱史者亦不易倘執已見自是所聞若班固之譏子長夾漈之譏孟堅適成文人相輕之語故必具千古之道法者始能剖千古之微言如我

皇上欽定通鑑輯覽

御製評鑑闡要卓識大文發前此未發之旨信與當日秉筆之情脗合無間矣生不敏謹具所聞以對

第三問

魏瑛

同考試官閩清縣知縣程峻閱薦

考試官吏部文選司主事王元葵批 原委歷錄

考試官翰林院編修尚書房行走如級湯先甲批 如數家珍

古者無道學之名其專稱道學者自宋史始古之儒者皆以學道故周禮曰儒以道得民蓋未有儒而不本于道者昔王禹偁東都事略猶以周程張朱列為儒宋史始以講學者別名道學而傳經者入儒林蓋以上接孔孟周程張朱之學非漢唐諸儒所得並也濂溪周子得不傳之秘于遺經作太極圖說通書明陰陽動靜一本萬殊之理精微盡致不輕示人而獨傳之程子二程定性書好學論實闡聖學之秘與圖說相

發明其答蘇季明問謂學者須先理會得敬又曰涵養用敬進學在致知蓋周子所謂主靜者原非屏黜聰明之謂故必合程子之說而其義始備張子作西銘程子自謂大意亦能見得特無如子厚筆力耳夫西銘之理不外太極程子之見同于張子則其說雖殊而心法實不殊也程子門人其最著者游氏酢楊氏時呂氏大臨謝氏良佐而獨龜山之學有吾道南矣之嘆時傳之羅從彥羅從彥傳之李延平李延平傳之朱子先是朱子亦受學于劉氏子翬子翬詔以入道次第曰不遠復取而釋之即主靜之虛主敬之實皆可會其義也朱子門人如蔡元定父

子及黃勉齋其尤著也他若張洽陳淳亦深得朱子之傳外此若李燔長樂劉氏胡氏兄弟皆卓卓者勉齋傳朱氏之學遞衍于元宋之際如所稱金華四先生北山魯齊仁山白雲皆為朱子之嫡派者也元魯齊之學獨正文明清最醇此二人者皆足上接朱紫陽之傳非餘子所可及濂洛關閩正派相傳何莫非道何莫非儒儒與道必岐為二孔子曰女為君子儒無為小人儒將僅以儒望之人耶信乎儒之未可遽輕也鄭夾漈博物洽聞尚已陳祥道及其弟暘分著禮樂二書各綴以圖考摛精核貫穿明備可謂自成一家言矣他若少穎之尚書解石齋之九

第四問

種皆能以道載文又誰謂其僅儒耶不揣固陋敢冒昧以陳焉

魏瑛

同考試官閩清縣知縣程峻閣薦

考試官吏部文選司主事王元炎批 通達治體

考試官翰林院編修尚書房行走加級湯先甲批 剴切詳明

夫州有牧郡有守縣有令皆親民之官也州牧之民肇於虞書縣正之名見于周禮固不待秦

置郡縣始有其名也虞書有之肇十有二州又

曰咨十有二牧此牧伯之職諸侯之長猶後世

晉之有都督刺史唐之有節鉞藩鎮也唐分九

州爲萬國虞析爲十二州夏合爲九州周之職
方亦九州秦併天下置三十六郡漢分十三州
唐置十道宋又分十五路歷代沿革制置不同
矣而其設官分職之意未嘗異也初漢制縣萬
戶以上爲令萬戶以下爲長歷代多因之後魏
縣置三令長北齊分九等隋縣有令有長唐分
六等各置令一人其大較也自唐分五府而宋
又升天下之州爲府于是有知府之名自宋以
朝臣權知縣事于是有知縣之名歷代沿革既
異縣大郡小郡大縣小其說紛紛改州爲郡改
郡爲州其號不一古今大小異名代殊其制也
後世郡守相更樂從其新也至于循吏立傳自

史記始前漢自文翁王成至召信臣凡六人後
漢自衛颯任延至童恢凡十二人新唐書自韋
仁壽陳君賓至何易于凡十五人蔡君謨教民
十六事真西山倣朱子社倉行之民多獲其利
游定夫亦多惠政我
皇上養育黎元尤重守令士將學古入官其可不勉
自束躬預講於經世之道也哉

第五問

江南金

同考試官平和縣知縣陸惇宗閱薦

考試官吏部文選司主事王元葵批

考試官翰林院編修尚書房行走加一級湯先甲批

論古有識
斷制謹嚴

詩以理情性故其感人也深古人九能而爲大
夫一日登高能賦信不誣也五七言始於漢世
後世祖之師承各有所自風會亦各有所趨詩
其可忽乎哉我

皇上金聲玉振集千古之大成自初集以至三集已
刊刻

頒布昭如日星草野之士涵泳

聖涯久矣夫詩之爲道非止聲律是問實足以播揚

休嘉以覘風會之盛衰者也故蘇李而後班蔡
不失正始之音建安黃初三曹競響而輔以仲
宣元瑜公幹偉長逮乎晉宋顏謝何范徐庾選
家並舉而風骨氣味視漢魏稍靡矣唐陳子昂

起而變之詩法爲之中興而沈佺期宋之問體
裁別出迺乎李杜韓柳遂爲極盛體性風力駕
晉宋而上之誠哉風雅之鼓吹百代之模範也
顧其所變亦自有不同者則又當析而言之矣
宋詩得杜之一體者數家而黃魯直作江右詩
譜則以師道爲雄焉元稱虞楊范揭四家然其
時若薩都刺周伯琦迺賢吳萊柳貫之徒亦有
足稱者論明詩之派有三曰濟南曰竟陵曰公
安而以聲氣爲標榜明詩爲之益衰則未必非
意見之過也高廷禮之品彙曹學佺之石倉其
能甄綜悉當歟生本愚蒙不足與於雅頌之道
辱承執事明問故敢以芻蕘而妄抒其說

福建鄉試錄後序

皇上御極之三十有九年歲在甲午夏五月禮臣以
福建考官請

特命翰林院編修臣湯先甲往典試事而以吏部主
事臣王元蔭爲之副伏念臣東國下土樗櫟庸
材由乾隆三十一年丙戌科進士選庶吉士散
館改吏部主事循分供職報稱未能茲仰承
恩命俾佐文衡感悚實深撫衷增愧惟有矢公矢慎
倍勵寅恭爰是啣

命星馳屆期抵境入闈與正考官臣湯先甲率同考
知縣諸臣悉心校閱得士如額循例錄文進呈
臣乃得禮言於簡末曰立言之道與經世之方

總不越窮理與養氣二者而已惟研窮經籍而
得其闕奧故發爲議論義析而辭以達焉惟涵
養情性以底於深醇故見諸文詞神恬而度以
和焉卽其文章以核其學術其旨之粹以精者
必其入於理者深也其言之整以暇者必其養
於氣者素也理之明而試以盤錯必舉要而迎
機氣之和而授以紛綸必平心而中節至若韻
語以觀其風華策問以覘其學識而淹雅宏通
之彥出焉以文取士之法將在乎是臣有志焉
而兢兢惟恐鑒別之未精也七閩名勝之區理
學淵源師承有自毓秀鍾靈人文蔚起卽臺灣
居海中央咸沐

聖化鄉試正額外更與二名以廣收羅而示鼓舞我
國家教澤覃敷光照海宇多士涵濡薰陶爭自濯
磨固宜有英竒卓犖之才雲蒸霞蔚以應
盛世之旁求臣惟與諸生共勉冀展尺寸之效而毋
第以空文市也
吏部文選司主事臣王元燾謹序



東游文選同主專日王示恭勤京

蕙以空文市出

溢世之英未至無與請主共賦冀異天女之效而世
國固宜育英帝卓舉之木雲蒸霞蔚以顯
園家楚戰單燧次阻數宇冬士函識薰園年自翠
望外激結五節仗更與二各以黃如羈而示楚釋非



聖